

葛蒲 出晉澤中一寸十二節

茯苓

澤瀉

茅芎

前胡

瞿粟

黃獨

紫芋

白朮

黃連

桔梗

貝母

玄胡索

山藥

金罌子 錄為音煎酒和服味如飴

枸杞

決明

細辛

防風

天南星

玉草

名木異卉

左紐檜晉許長史手植在王晨觀

鶴頂松一名九枝松在鶴廟頂相傳茅君任

亦城時昇舉其上丫然雙幹疑非舊物

九陽松在金齒山北虬枝柱地蒼古冠絕

隱居松在玄洲精舍方壇上

卧龍松在清真觀側

經臺栢在崇壽觀太元殿前宋末有道人自

咸陽老君說經臺移本植此檀欒翠碧非凡

木也

棠梨樹在下泊宮大司命君初入山止此樹

下結廬以候二弟今餘丹井樹不復存下泊

所藏廢鼓腔一木刻成徑三尺餘相傳迺古

樹身所作

福鄉古木梁昭明太子植福鄉井上平心推

朽生意逾茂

山桃

側栢李衛公平泉草木記並出茅山

白李辰仙人遺種

福鄉茶似茶禽而小可去痰癆

驚鴛樹在穀牛槽兩木杪合為一無有鱗脉

漢孫平泉記芳藤生茅山東溪隱居稱藤花

紫色生溪水中相傳女仙人錢妙真所種

玉蘭蘭等刻玉氣甚幽亦芝英之別種也

蘭 蕙 茗 瑞香

茅山志卷之十九

茅山志卷之二十

上清嗣宗師劉大彬述 師六

錄金石篇

梁碑

九錫真人三茅君碑文 九錫玉册文見諸明臺篇

梁普通三年歲在壬寅五月壬辰朔十五日丙午三洞弟子張道士正

吳郡張鍊立茅山道士孫文翰書 兼道典刻字

太元真人司命君諱盈字叔申咸陽南關人

以漢景帝中元五年太歲丙申誕生茅氏之

胤年十八棄家學道入恒山六年 時年二歲

道通神速師西城王君十有七年 時年四十三

年與王君同象駕詣龜山王母授經仍隨王

君還西城修法三年 時年四十七 顏如玉童體有

光照王君復賜九轉還丹一劑君道延成 時年四十九

時年四十九 或還家侍養父母而後使鬼神

有積死久葬皆令更活 時年五十三 父母既歿

後至漢元帝初元五年太歲丁丑四月三日

過顯乘雲駕來江左句曲之山 時年一百二歲 停住

凡四十三年至哀帝元壽二年太歲庚申八

月十八日己酉受錫昇遐從衆官乘雲駕往

霍山赤城玉洞之府也臨去告二弟曰吾今去便有局仕不得數相往來當一年再過來此山三月十八日十二月二日期要吾師及南嶽太虛真人游時若有好道者吾自當料理之有心相教訓於未悟也

定錄真君諱固字季偉太元君之次弟景帝後元元年太歲戊戌誕明於世以英輝仁睿貞孫震舉察孝廉舉賢良拜五官郎或威太守以孝元四年太歲丙子四月轉執金吾卿司命對賓之日時年一百歲

保命仙君諱衷字思和太元君之小弟後元三年庚子歲誕少以節行顯名貞高著稱隱居華嶽五十餘年以學優可任宣帝地節二年為雒陽令轉西城校尉以四年四月拜上郡太守五更大夫即與定錄君同日就路司命對賓之日時年九十有二君到了丑年並解任還家修學積五年元帝永元五年歲在壬午過江來尋兄中君時年一百五歲修行勳幼二十四年延賜九轉還丹一劑照之成道

碑文

若夫有無之莫辨陰陽之不測故自無得而稱之今且談其轍迹述其攸處君延咸陽南關人也始胃之典則姬子黃帝周公之次子分職致宗氏弟族為高祖濂深識玄覽絕塵華嶽及君入山顯乘雲駕控龍南嶺祖意才兼方員智通文武掃定荆揚秦皇嘉倬贈以相國之禮父祚懷淳古之氣抱上皇之真不學不仕確然而不可改也君真元靈於妙始挺至德於玄符生知獨穎天情孤脫深念促生之不澆悟仙齡之可求故能棄纓紱於宰門服紉履於丘壑年十八隱居恒山以從其道心業二篇口談十真茹芝木以堅糧擬薛蘿而為服在山六年趨勤精苦遂仰感西城王君親躬執事十有六年進近衣書預同與駕迺泛白水而造龜山登青琳而詣王母受玉珮金璫之文太霄隱書之道遂得還形玉狀反少天姿玉君延告君曰子道已成可以反矣復百年來我於南嶽授爾仙任於吳越也君迺停雲駕於天衢止羽車於漢路短褐布

衣歸寧父母於是父欲杖而罰之君怡顏跪謝溫恭盡禮杖即碎斷飛揚四濺如電擊焉父又令君生尸起死君即面召神祇口斷枉闕死而活者不可稱數君之二弟並仕漢朝爾時俱被國命同日引道遠近餞送數百餘人君親自償接初不異俗迺曰吾雖不作二千石卿相亦當有神靈之職天帝見選補東嶽上卿霍林司命總兵越生死錄籍亦神官之要位也到末年四月三日當之官諸君復能來顧如今日否於是衆賓僉懷欣允感歎貴持禮規君並止之及至期戒旦忽有自然門列賓亭路筵客宇土潤脂容地平鏡色神官星羅天騎雲滿海頓龍與山停鳳蓋烟來而霧至者靡不充溢當賓接客並以虛空而至甘肴旨酒珍奇美果之徒皆非衆賓所識也金華寶危靈童漢女之屬故非言象所述也于時三天請駕九錫催陳君迺瞻羽蓋而整神容念將離而飲玉色於是舉手言乖無不周備迺告衆人曰真道隱迹迺不應表顯動權視聽吾今所以不得默爾者欲以勸誘

二弟之遺基也亦何待二弟之反迷天下有心者盍當注向神仙耳今去當停江水之東句曲之山以自清勵然後受事也於是雲霧軒而安動進羽駕而徐迴鸞鳴鳳嘯虎踞龍騰紫蓋成霞朱旂起電既神駕之不淹警仙輪而易速於是人相視歎歎不禁君廼奮龍轡而來翔指句曲而留憩朱宮懸列紫館虛成總任瑯璣徧司吳越千里而至者不可稱也二弟聞君得道各解秩還私停家修習積有五歲渡江尋兄君廼教以黃帝四扇神散之方青茅變枯潤骨之法精動丹至積感幽靈君又啓玉君於二弟艱難勤苦備加憐到遂皆降以神天高聖之授俱安虎耕矣君然後乘九錫之駕營三天之輪汎景浮空於南嶽耳猶且哀黔首之顛顛懸黎元之不做故期諸一歲再降金陵科別有善載之玉牒惟君道德仁智之深孝佛通神之至感幽微靈之誠震天動地之業自古及今莫能擬者若夫望景奔月控龍轡鶴之徒尚不能以喻其盛況羊潛鹿處水行火變之備其可喻君之

魏魏耶有道士張繹欣聖迹之預聞慨其蹟之不睹念至德之日道懼傳芳之消歇故敬携同志謹鑄傳錄雖復羅衣之屢拂莫巨石之不糜面千齡而瀝腎對萬古以披心但恨言不足以盡意庶冥鑒之匪尤廼仰銘曰

玄玄妙始宵宵靈端智明不體慧寂何言心期絕路指測無源哀此黔首念彼飛喧流連永夜波迸長昏促生電逝短星奔異生天世俱為夜竟從迷既往望反無門誰哀誰悼惟聖惟賢應逐規矩感任方員以師以友作輔作天惟我真人厥誕茅裔孤貞獨秀避爾霞際如彼玉京迢迢天外如彼河清千年一世惟君聖德獨立孤貞耽玄味道舍秩辭榮千年一世如彼河清迢迢天外如彼玉京秋感春澤日暉月明金剛玉潤水潔冰清長懷萬古虛仰千齡芳音既遠傳石流聲

碑陰題

此碑有如玄辱宿構畧有四事一者工人鑿山唯得此碑一石有如現成二者東石悉不堪作跌唯所指安碑處一石有如伏龍之狀

三者密石連環唯安柱處有自然埒四者事竟洞內飛泉忽涌碑陰及兩旁徧刻齊梁諸館高道姓名畧見米真游篇石柱篆刻自然弟子徐楷敬謁華陽洞天唐末刻題多漫缺矣

上清真人許長史舊館壇碑

弟子華陽隱居陶弘景謹造

悠哉曠矣宇宙之靈也固非言象所傳文迹可記默然則後之人莫聞乎含吐萬有化育羣生本其所由義歸冥昧至於形域區分性用殊品事限觀聽理窮數識者倘或可論山之萬海之廣夫何故以其有容焉大天之內復有小天三十六所並拓寓地空亘涂水脈開闢風岫通氣雲嶽此山本號句曲其下是第八洞宮名曰金壇華陽之天周迴一百五十里分置三府前漢元帝世有咸陽三茅君得道來宰此任故稱茅山具詳傳記至晉太和元年句容許長史在斯營宅厥迹猶存宋初長沙景王就其地之東起道士精舍天監十三年勅買此精舍立為朱陽館將遠符先

徵定祥火曆於館西更某隱居住止十四年  
別創齋岡齋室追玄洲之蹤十七年通緝勒  
碑壇仰述真軌

真人姓許諱穆世名謚字思玄本汝南平輿  
人後漢靈帝中平二年六世祖光字少張避

許相諫使廼來過江居丹陽句容郡鄉之吉  
陽里後仕吳為光祿勳識字亮拔奕葉才明

祖尚字元甫有文章機見吳中書郎父副字  
仲先器度淹通風格清簡晉刺令寧朔將軍

下邳太守西城侯長史副第五子也王生少  
知名簡文在藩為世表之交起家太學博士

朝納禮肆儒論所宗出為餘姚令勤恤民隱  
惠彼鄰邑徵入凱闈約言帝側昇平末除護

軍長史本郡中正外督戎章內詮茂序遐邦  
肅律卿來砥行太和中遷給事中散騎常侍

蟬冕輝華事歸尚德簡文踐極方優國老儵  
偵晏駕於焉告退專靜山廬以修上道君雖

措絃朝班諷議庫塾而心標象外志結霞門  
第四兄遠游未和四年嘉遁不反君尚想幽  
奇歲月彌軫恒與楊君深神明之契興寧中

東真降楊備令宣諭龍書雲篆舍然徧該靈  
謨真旨于茲必究年涉懸車遵行愈篤太元  
元年解駕遠世春秋七十有二子孫禮寔虛  
栢於縣西大墓京陵之蹤未遠飛劍之墜在  
焉謹按真語君挺命所基綠素已久周武王

世九宮上相長里薛公之弟也兼許肇遺功  
復應垂社後胤故乘運託生因資成道玉札

所授為上清真人爵登侯伯位編卿司理仙  
撫治佐聖牧民矣真傳未顯於世莫能具述

長史第三子諱玉斧世名麟字道翔正生母  
陶威女先亡已得在洞府易遷宮中君清顏

瑩潔特絕世倫郡舉上計掾不赴統糧塵務  
研精上素即弘景玄中之真師也恒居此宅

繕修經法楊君救相從就至道真感太和五  
年於茲告逝時年三十真語云後十六年當

度東華為上相青童君之侍帝晨受書為上  
清仙公與谷希子並職帝晨之任世傳中君長兄揆

世名剛次兄虎牙世名聯並亦得道揆今有  
玄孫靈真在山勅立嗣真館以褒遠祖之德

皇上乘弘誓本力來君此土肅育蒼祇範鑄  
產品導法開俗隨綠啓教以隱居積蘊三真  
經誥大棲華陽宜還舊宅供養修理廼勅工  
匠建茲堂靖即仰祇帝則兼闢大獸東位青  
壇西表素塔壇塔之間通是基址埋甄拚瓦

投鋪便值紫烟中白霧經徊蔭蓋宅南一井即  
長史所穿井南大塘廼郭朝遺製源出田公

之泉路通姜已之軌旁枕雷平前瞰下泊東  
際連岡北橫長嶺柳沂陽谷俱會西垂四域

之內皆謂之金陵地肺者也長史所居尤為  
標勝方將駟雲虬而高騁驅奔鶴以追風望

洪濤之浩汗睽故都以浸遠古人有言匪作  
奚傳敢刊石頌永屬來賢

渾樞驚氣方祇吐靈依性分境傳識賦形化  
通八寓功決四溟巡跡電滅淵淵滄旋巨

嶽立巨海雲舒揮風泳水躡實馮虛亦有幽  
匠開石架廬情高身遠天府地居紫巒已曲

畫壤肺浮五闌面啓九涂環周長隰旁嶺交  
泝比流廼稱龍伏寔謂金丘昔在西漢三茅  
來賓爰暨東晉二許懷真裁葦凌井棲道接

神允膺輔聖錫茲侍宸參差年代網緝名氏  
 書詰具宣精華未弭甄切他為覺將淪沉階已  
 毀拱樹霜摧脩庭草委肇館華陽歲二紀  
 永觀前猷聿遵洪軌帝曰楹哉爾焉斯止經  
 之營之輪乎與矣勝殿密響瀉瓶揚芬瑤宮  
 碧簡絢采垂文瑤函玉檢綺幕繡巾蘭缸迺  
 耀金鑪揚熏桐栢雙教方諸兼學並證心清  
 俱漏身濁雖有離無且華且朴結號虛皇筌  
 法正覺繁徽質登禪感慧通飛行歎悅捫景  
 帶虹振苦排郭還明反聰物言是力我見無  
 功紛紜今古汗漫兩儀三相幻惑舟登自移  
 緣來則應不慮不為式題龜錄人天鑒知

碑陰記此碑梁普通三年太歲壬寅  
庚戌年凡二百六十六年文字將湮  
中山劉明紫字微重加洗刻也

華陽隱居陶弘景丹陽秣陵西鄉下里人宋  
 孝建三年丙申歲夏至之日未晚時生仕齊  
 高武世諸王侍讀奉朝請永明十年壬申歲  
 投絨棲山住中茅嶺上立為華陽館至梁天  
 監四年移居積金東湖七年往永嘉楠江青  
 嶂山十年涉海詣霍山十一年夏還木溜嶼

其年十月奉勅迎還舊山十三年正月至茅  
 山入住東湖十四年冬徙來此館十五年移  
 營岡齋室靜齋  
 上清弟子華陽前館主吳郡海鹽陸逸冲  
 上清弟子宗元前館主東海剡縣楊起遠  
 上清弟子朱陽館主丹陽湖孰潘洲文  
 上清弟子華陽前館主晉陵丁景達  
 上清弟子華陽前館主晉陵馮法明  
 上清弟子嗣真館主丹陽句容許靈真  
 上清弟子四明山館主會稽山陰潘文威  
 上清弟子太平山館主吳郡錢唐褚仲儼  
 齊世祖武皇帝  
 太宗明皇帝  
 衡陽王蕭筠  
 揚州刺史始安王蕭邁光  
 荆州刺史開憲公蕭邁欣  
 尚書令太子少保丹陽尹建昌侯沈約  
 開府儀同三司平固忠敬公呂僧珍  
 侍中吏部尚書吳興太守謝覽  
 南梁州刺史豫章王司馬季延胃

交州刺史始興王司馬阮研  
 臨海太守伏曼容  
 晉安太守謝墓  
 晉熙太守紀僧猛  
 梁武皇帝  
 太尉揚州刺史臨川王蕭  
 開府儀同三司南平王蕭偉  
 南平王世子蕭恪  
 侍中豫章內史太尉長史謝奉  
 臨川正世子前羅平侯蕭立正  
 廷尉卿虞權  
 右王侯朝士刺史二千石過去見在受經  
 法者普通三年五月五日畧記  
 茅山志卷之二十